



## *Os evidentes beneficios das Áreas Mariñas Protexidas*

**S**on moitos os beneficios que a pesca obtén directamente das Áreas Mariñas Protexidas:

- As reservas existentes mostran un rápido incremento da biomasa de peixes. As especies medran máis e producen maior cantidade de ovos e larvas. As más valiosas tenden a responder mesmo máis claramente.
- Deste xeito, as Áreas Mariñas Protexidas “exportan” pesca. Estudos de mercado mostran que moitas especies de peixes se moven o suficientemente lonxe como para abandonalas. A captura por unidade de esforzo dos pescadores increméntase así nos límites das reservas. Naquelas onde durante varios anos se respectaron os límites de pesca, os pescadores pescan preferentemente preto dos límites destas.
- Por outra banda, constitúen un “seguro” contra a incerteza, ao brindar unha maior capacidade de predición nas capturas. Isto reduce e simplifica os problemas de xestión.
- O sector pesqueiro, grazas a elas, recupera unha boa imaxe entre os consumidores.
- Por último, facilitan a recuperación do mar tras catástrofes de orixe humana (mareas negras...) ou natural (tifóns, eutrofización natural, etc.).

**Áreas mariñas  
Protexidas**

CEIDA  
CENTRO DE EXTENSIÓN UNIVERSITARIA  
E DIVULGACIÓN AMBIENTAL DE GALICIA

Fundació  
Territori i Paisatge  
CAIXA CATALUNYA

XUNTA DE GALICIA  
CONSELLERÍA DE PESCA  
E ASUNTOS MARÍTIMOS

XUNTA DE GALICIA  
CONSELLERÍA DE MEDIO AMBIENTE  
E DESENVOLVIMENTO SOSTIBLE

amares  
PROGRAMA  
DE SUSTENTABILIDAD DO MAR

UNIVERSIDADE  
DA CORUÑA

Concello de Oleiros

Colabora: Haley

**EXPOSICIÓN ITINERANTE**

A photograph showing a person's hands holding a net, and another inset photograph showing a school of small fish swimming in the water. Below these are two close-up images: one of a pile of shells and another of a coral reef.

D urante séculos os seres humanos vimos servíndonos sen miramentos dos recursos que o mar nos ofrece, tanto extraendo alimentos e materiais como aproveitándonos do seu “ilimitado” poder de asimilación de residuos (vertidos, mareas negras, produtos químicos, etc.). Ao principio a degradación das augas foi lenta e silenciosa. Hoxe alcanzou unha magnitude alarmante.

Nos últimos anos unha gran variedade de acordos a escala internacional veñen recoñecendo a necesidade de protexer os ecosistemas mariños. Na busca da figura de protección máis efectiva, entre unha amálgama de siglas e denominacións (a escala local, nacional, comunitaria e internacional), destaca un novo concepto: as Áreas Mariñas Protexidas.



## Obxectivos das Áreas Mariñas Protexidas

- Conservar lugares de especial relevancia debido ao seu interese científico, estético, histórico, arqueolóxico ou cultural.
- Protexer áreas con numerosas especies endémicas.
- Axudar a protexer áreas terrestres, empregando as AMPs como áreas de amortecemento.
- Conciliar o desenvolvemento económico co respecto ás especies e ecosistemas. Isto implica unha explotación razonable dos recursos mariños e pesqueiros, basicamente, turismo e pesca.
- Asegurar o benestar das comunidades locais.
- Manter a calidad e a saúde do medioambiente, protexer as comunidades costeiras e os recursos explotados da contaminación e calquera outro perigo.
- Reducir o número de conflitos entre os usuarios dos diferentes recursos costeiros, dividindo a área en zonas.
- Facilitar o entendemento dos sistemas mariños e de esteiros con propósitos de conservación, educacionais ou turísticos.
- Promover investigación básica e aplicada tanto dentro como fóra da área protexida.
- Permitir a implementación de plans de manexo experimentais nalgunhas partes da reserva e permitir os usos tradicionais que aseguren unha explotación continuada dos recursos naturais.
- “Efecto reserva”: a diversidade biolóxica, a estrutura de poboacións e comunidades, tende a retornar ao seu status orixinal anterior a acción do ser humano.
- “Efecto refuxio”: incrementar a biodiversidade debido ao retorno de especies pouco comúns.

## Que é unha Área Mariña Protexida?

**A**s Áreas Mariñas Protexidas (AMP) son na actualidade unha das principais ferramentas de xestión das pesqueiras, ao que se engade a súa importancia na conservación da biodiversidade.

A IUCN (1988) definiu as AMP como “calquera área intermareal ou submareal, xunto coa súa columna de auga e a flora, fauna, historia e feitos culturais asociados, os cales foron protexidos por lei ou outro medio efectivo de protección de xeito total ou parcial da área delimitada”.

Outra definición máis básica e xenérica dunha Área Mariña Protexida podería ser a seguinte: calquera zona mariña definida baixo lexislación para protexer os seus valores mariños.

Moitos son os diferentes tipos de valores que dan pé á súa creación: pesqueiros, conservacionistas, recreacionais, culturais, científicos, etc. Todos eles responden á necesidade de recuperar os ecosistemas mariños, moi degradados na actualidade debido aos impactos humanos, e sobre todo á sobrepesca, urbanización e vertidos.